

## Sare Jahan Se Acha Lyrics - Independence Day Songs :

Singer -

Lyricist -

Music -

Music Label -

Sare jahan se accha hindostan hamara  
Hum bulbulain hai iss ki yeh gulsitan hamara  
Sare jahan se accha  
Ghurbat men hon agar ham rahta hai dil vatan men  
Samjho vahin hamen bhi dil hain jahan hamara  
Parbat voh sab se uncha hamsaya asman ka  
Voh santari hamara voh pasban hamara  
Godi men khelti hain is ki hazaron nadiya  
Gulshan hai jin ke dam se rashk-e-janan hamara  
Aye ab raud ganga voh din hen yad tujhko  
Utara tere kinare jab karvan hamara  
Mazhab nahin sikhata apas men bayr rakhna  
Hindi hai ham vatan hai hindostan hamara  
Yunan o misr o roma sab mil gaye jahan se  
Ab tak magar hai baqi nam o nishan hamara  
Kuch bat hai keh hasti milati nahin hamari  
Sadiyon raha hai dushman daur e zaman hamara  
Iqbal koi meharam apna nahin jahan men  
Malum kya kisi ko dard e nihan hamara  
Sare jahan se accha hindostan hamara  
Ham bulbulain hai is ki yeh gulsitan hamara